

GRAD SARAJEVO
tenderska dokumentacija

KONKURS ZA IZRADU IDEJNOG RJEŠENJA

**Izrada Idejnog rješenja Spomen obilježja civilnim žrtvama rata grada - Kantona
Sarajevo '92 – '95. g. (Arhitektonsko-urbanističko-pejsažno rješenje)**

SADRŽAJ

1. OPĆI USLOVI KONKURSA

- 1.1. Podaci o ugovornom organu
- 1.2. Lice koje je ovlašteno da vodi komunikaciju
- 1.3. Vrsta i tip konkursa
- 1.4. Klasifikacija konkursa
- 1.5. Predmet javnog konkursa
- 1.6. Svrha i cilj konkursa
- 1.7. Opšti podaci o lokaciji
- 1.8. Zadatak konkursa
- 1.9. Dostava materijala
- 1.10. Pravo učestvovanja na konkursu, uslovi za kvalifikaciju i dokumentacija koja se dostavlja
- 1.11. Izuzeća

2. INFORMACIJE O KONKURSNOJ / TENDERSKOJ DOKUMENTACIJI

3. ROKOVI

4. NAGRADE I OTKUPI

5. KONKURSNA KOMISIJA

6. KRITERIJI ZA OCJENJIVANJE RADOVA

7. DOSTAVA RADOVA, OČUVANJE ANONIMNOSTI I IDENTIFIKACIJA AUTORA

8. ZAVRŠNE ODREDBE

9. POUKA O PRAVNOM LIJEKU

10. PRILOZI

- Obrazac : Prijava na konkurs
- Obrazac – Izjava po čl. 45 ZJN: Dokument 2/1 i Dokument 2/2
- Obrazac – Izjava po čl. 52 ZJN: Dokument 3
- Elaborat geodetskog snimka predmetne lokacije

1. OPĆI USLOVI KONKURSA

1.1. Podaci o ugovornom organu

Naziv ugovornog organa: Grad Sarajevo
 Adresa: Ćemaluša broj 9, Sarajevo
 Identifikacioni broj (JIB): 4200295100005
 Telefon: 033/208-340
 Faks: 033/208-341
 Web adresa: www.sarajevo.ba

1.2. Lice koje je ovlašteno da vodi komunikaciju

Kontakt osoba: Tarik Zečić
 Telefon: 033/407-959
 Faks: 033/208-341
 e-mail: tarik.zecic@sarajevo.ba

1.3. Vrsta i tip konkursa:

Konkurs za izradu idejnog rješenja, na osnovu člana 33. stav 1. tačka b) i člana 35. Zakona o javnim nabavkama („Službeni glasnik BiH“, broj 39/14). Konkurs je javni, anonimni.

Anonimnost u postupku: Anonimnost se mora poštovati u postupku konkursa za dizajn. Učesnici konkursa su anonimni do objavljivanja zadatka konkursa. Anonimnost se naročito obezbjeđuje zabranom iznošenja pretpostavki o identitetu učesnika konkursa. Ova zabrana se odnosi na sva lica koja učestvuju u postupku kako kod Raspisivača (Grad Sarajevo), tako i među učesnicima konkursa.

1.4. Klasifikacija konkursa:

Arhitektonsko-urbanističko-pejsažno rješenje.

1.5. Predmet javnog konkursa:

Predmet je izrada Idejnog rješenja Spomen obilježja civilnim žrtvama rata grada - Kantona Sarajevo '92 – '95. g. (Arhitektonsko-urbanističko-pejsažno rješenje), s ciljem dodjele nagrada za tri prvoizabrana rada.

1.6. Svrha i cilj konkursa:

Svrha i cilj konkursa je da se dobiju najbolja Idejna rješenja za Spomen obilježje civilnim žrtvama rata grada - Kantona Sarajevo '92 – '95. g. (Arhitektonsko-urbanističko-pejsažno rješenje).

Neophodno je da spomen obilježje treba da predvidi prostor za ispisivanje 5.500 imena i prezimena nevino ubijenih civila, godinu rođenja i godinu ubistva, kao i da svojim izgledom istakne i trajno obilježi žrtve koje su podnijeli stanovnici grada Sarajeva tokom najduže opsade u modernoj historiji, koja je trajala 1425 dana, tokom koje je više od 50.000 stanovnika Sarajevo bilo ranjeno, a 11.541 je ubijeno, od toga 5.500 civilnih žrtava rata uključujući 1.601 dijete, a ostale žrtve se odnose na boračku populaciju. Prosječno dnevno uništavanje grada sa 329 granata učinilo je ovaj zločin protiv građana Sarajeva bez presedana u historiji.

Cilj konkursa je odabrati najbolje arhitektonsko-urbanističko-pejsažno rješenje za spomen obilježje koje će simbolizirati stradanja nevino ubijenih civila, kao i hrabrost, otpornost i jedinstvo stanovnika Sarajeva u vremenima teške patnje. Ovo spomen obilježje će također služiti kao podsjetnik na veličinu i strahotu zločina koji su počinjeni prema gradu Sarajevu i njegovim stanovnicima, posebno prema civilima, te će podizanje spomen obilježja poslužiti kao simbol sjećanja i otpora protiv nasilja i mržnje.

Posebno obratiti pažnju na kontekst lokacije, značaj objekata u neposrednom, sagledivom okruženju. Sve intervencije treba pažljivo analizirati u cilju dobivanja što kvalitetnijeg rješenja koje će unaprijediti funkcionalne i oblikovne karakteristike ambijenta, vodeći računa o njegovoj orijentaciji, visini i materijalizaciji.

Stoga je svrha ovog natjecanja pozvati sve zainteresirane strane, uključujući arhitekte, umjetnike i dizajnere, da predlože svoje ideje za dizajn i izgradnju spomenika koji bi služio kao simbol sjećanja, poštovanja i zahvalnosti prema civilnim žrtvama opsade Sarajeva.

Odabrani prijedlog morat će ispuniti sljedeće kriterije:

- Odraziti tragediju, stradanja i patnju civilnog stanovništva tokom opsade Sarajeva '92 – '95. g..
- Biti simbol sjećanja, mira, jedinstva, otpora i opstanka – koncept prepoznatljiv u osnovnoj ideji.
- Originalnost u autorskom izrazu. Smjeli, impresivni i reprezentativni arhitektonski akcenti jedinstvenog karaktera.
- Primjeniti koncepte koji su ekološki i ekonomski opravdani u izvođenju i eksploataciji.
- Karakter i kvalitet unapređenja urbanog identiteta područja u kontekstu neposrednog okruženja – odnos prema kontekstu, graditeljskom i kulturnom.
- Neophodno je da spomen obilježje predvidi prostor za ispisivanje 5.500 imena i prezimena nevino ubijenih civila, godinu rođenja i godinu ubistva.
- Uvjerljivost argumentacije – jasnoća saopštavanja kroz grafičke priloge.

1.7. Opći podaci o lokaciji:

Konkursom treba biti obuhvaćena lokacija koja je označena kao dio k.č. 801/3 k.o. Sarajevo VII.

Prostor je u centralnoj zoni grada Sarajeva, ulica Hamze Hume – Općina Centar Sarajevo.

Navedena lokacija se nalazi obuhvatu nacionalnog spomenika „Historijskog urbanog krajolika Sarajevo“ koji je Odlukom Komisije za očuvanje nacionalnih spomenika Bosne i Hercegovine proglašen nacionalnim spomenikom Bosne i Hercegovine („Službeni glasnik BiH broj: 01/21 i 10/21“).

U prilogu ovog poziva su geodetski snimak lokacije i slike lokacije.

1.8. Zadatak konkursa:

- Zadatak konkursa je izrada Idejnog rješenja za Spomen obilježje civilnim žrtvama rata grada - Kantona Sarajevo '92 – '95. g. (Arhitektonsko-urbanističko-pejsažno rješenje)
- Idejno rješenje treba da u ambijentalnom, prostornom i vizuelnom smislu očituje trajno uspomenu na tragediju i patnju civilnog stanovništva tokom opsade Sarajeva, te objedini simbole sjećanja, mira, jedinstva, otpora i opstanka. Jasan prostorni koncept, prepoznatljiv u osnovnoj ideji
- Planirana namjena ovog prostora je javnog karaktera, otvorenih i dostupnih površina sa adekvatno pozicioniranim pješačkim prodorima. Planirati prostor prilagođen osobama sa invaliditetom i umanjenim tjelesnim sposobnostima.
- Potrebno je poštovati kontekst lokacije, značaj i reprezentativnost objekata u neposrednom okruženju i činjenicu da je ovo veoma vrijedan gradski prostor. Voditi računa o pozicioniranju spomen obilježja u odnosu na teren, linijama komunikacije i uglovima sagledavanja.
- U cilju aktivnog korištenja i akcentiranja prostora neophodno je predmetni obuhvat adekvatno osvijetliti - planirati iluminaciju.
- Koristiti ekološki i ekonomski prihvatljive materijale.
- Rješenje mora moći biti izvedivo od strane firme registrovanih za građevinsko-zanatske radove.

- Arhitektnosno rješenje treba biti originalno, estetski primjereno temi spomenika, ekonomično u izvođenju i održavanju, rješenje koje se u cijelosti izvodi na samom lokalitetu. Izbjeći elemente koji zahtijevaju vajarsko kiparske vještine.
- Neophodno je planirati prostor na spomeniku za prigodan tekst opisa spomenika koji će se naknadno definisati.

1.9. Dostava materijala

A3 FORMAT SA SLJEDEĆIM SADRŽAJEM:

- 1) Tekstualno obrazloženje
- 2) Grafički prikazi - situacioni prikaz u mjerilu 1:200 (šire okruženje, koje zahvata saobraćajnicu i okolne staze i zelenilo u parku i Koševski potok, kao zgradu Kantona Sarajevo), a detaljniji parterni prikaz ili arhitektonsko-urbanističko-pejsažno rješenje u tlocrtnom prikazu u mjerilu 1:100.
- 3) CD ILI DVD

Tekstualno obrazloženje

Tekstualno obrazloženje koncepta i ideje, sa precizno definisanim glavnim aspektima arhitektonsko-urbanističko-pejsažno rješenja. Razvoj ideje, oblikovne i konstruktivne karakteristike i upotrebe materijala. Detaljan opis predloženih intervencija sa aproksimativnim predmjerom i predračunom planiranih radova.

Grafički prilozi trebaju da su u adekvatnoj razmjeri i uključuju:

- Geodetska podloga
- Situacioni prikaz parcele (postojeće i planirano)
- Arhitektonsko-urbanističko-pejsažno rješenje sa parternim i hortikulturalnim uređenjem
- Karakteristični presjeci
- Karakteristični pogledi
- Karakteristični detalji
- 3D vizualizacija (minimalno 5 slika, sa obuhvatom izgleda silueta susjednih objekata).

Obavezna je dostava 3D animacije u trajanju od minimalno 15 sekundi.

Grafički prilozi (PDF format) i tekstualni dio (PDF format) se predaju i analogno i digitalno na A3 formatu u tri primjerka.

Prikazati okvirna finansijska sredstva potrebna za izgradnju spomen obilježja, max. 400.000,00 KM KM sa PDV-om, sa svim predviđenim radovima. Nerealni prikazi cijena bit će razlog eliminacije aplikanta.

1.10. Pravo učestvovanja na konkursu, uslovi za kvalifikaciju i dokumentacija koja se dostavlja u ponudi

1.10.1. Na konkurs se mogu prijaviti sva zainteresovana pravna i fizička lica (pojedinci ili sa saradnicima) koja posjeduju stručne kvalifikacije. Mjesto stanovanja i sjedište može biti u BiH ili inozemstvu.

Uslov je zadovoljen ako najmanje jedan od autora konkursnog rada ili ima završen arhitektonski fakultet ili akademiju likovnih umjetnosti sa minimalno 240 ECTS bodova ili ekvivalent (po pred Bolonjskom sistemu obrazovanja).

U svrhu dokazivanja ispunjenosti uslova, učesnici na konkursu trebaju dostaviti:

a) Fizička lica:

- Ime i prezime autora ili imena članova autorskog tima, adresa, kontakt telefon,
- kopija diplome završenog fakulteta ili nostrifikacija diplome ako je ista stečena u inostranstvu. **(Dokument 1/1)**

b) Pravna lica:

- Izjava pravnog lica da ima u radnom odnosu ili će angažovati lica sa završenim arhitektonskim fakultetom ili akademiju likovnih umjetnosti.

1.10.2. Da bi učestvovali na konkursu ponuđači/kandidati moraju ispunjavati uslove koji se odnose na ličnu sposobnost ponuđača iz člana 45. stav 1. ZJN.

U svrhu dokazivanja lične sposobnosti u skladu sa članom 45. Zakona, ponuđači/kandidati moraju dostaviti:

a) **Fizička lica:**

- Izjavu (ovjerena od nadležnog organa) da ponuđač/kandidat (nosilac autorskog tima) nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u BiH ili u zemlji u kojoj je registrovan (član 45. stav 1. pod a) ZJN. Dato u obrascu (**Dokument 2/1**)

Autor/autori nagrađenog rješenja, dužan je dostaviti: Uvjerjenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, koje ne smiju biti stariji od 3 mjeseca računajući od trenutka dostavljanja ponude, u roku od pet (5) dana od dana zaprimanja Odluke o izboru nagrađenih radova.

b) **Pravna lica:**

- Izjavu (ovjerena od nadležnog organa) da se na njih ne odnose slučajevi definisani članom 45. stav 1. od a) do d) ZJN. Dato u obrascu (**Dokument 2/2**)

Autor/autori nagrađenog rješenja, dužan je dostaviti dokumente kojim će potvrditi vjerodostojnost date Izjave:

- a) Uvjerjenje nadležnog suda da nije osuđen pravosnažnom presudom za krivična djela organizovanog kriminala, korupciju, prevaru ili pranje novca;
- b) Uvjerjenja nadležnog suda da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) Uvjerjenje nadležne institucije da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- d) Uvjerjenje nadležne institucije da je ponuđač izmirio dospjele obaveze u vezi sa plaćanjem direktnih i indirektnih poreza, i koja ne smiju biti stariji od 3 mjeseca računajući od trenutka dostavljanja ponude, u roku od pet (5) dana od dana zaprimanja Odluke o izboru nagrađenih radova.

Učesnici u konkursu mogu navedena Uvjerjenja dostaviti uz konkursnu dokumentaciju, čime se oslobađaju naknadnog dostavljanja.

Prijavljivanje na Konkurs podrazumijeva da kandidat prihvata sve uslove Konkursa.

1.10.3. U skladu sa članom 52. Zakona, kao i sa drugim važećim propisima u BiH, ugovorni organ će odbiti ponudu ukoliko je ponuđač koji je dostavio ponudu, dao ili namjerava dati sadašnjem ili bivšem zaposleniku ugovornog organa poklon u vidu novčanog iznosa ili u nekom drugom obliku, u pokušaju da izvrši uticaj na neki postupak ili na odluku ili na sam tok postupka javne nabavke. Ugovorni organ će u pisanoj formi obavijestiti ponuđača i Agenciju za javne nabavke o odbijanju ponude, te o razlozima za to i o tome će napraviti zabilješku u izvještaju o postupku nabavke.

Ponuđač/kandidat (fizička i pravna lica) je dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je prilog tenderskoj dokumentaciji, dato u obrascu – (**Dokument 3**).

1.10.4. Fizička i pravna lica uz konkursni rad trebaju dostaviti :

- Izjava da je priloženi rad izvorno autorsko djelo (**Dokument 4**)
- Izjava autora da autorska prava i prava korištenja i javnog objavljivanja predloženog idejnog rješenja prenosi na Grad Sarajevo, ukoliko bude među nagrađenima (**Dokument 5**).

Navedene izjave sastavlja sam autor ili autorski tim ili ovlaštena osoba pravnog lica i moraju biti ovjerena od nadležnog organa.

1.11. Izuzeća

Na konkursu ne mogu učestvovati članovi Konkursne komisije, lica koja su direktno učestvovala na pripremi i organizaciji konkursa i lica koja su u njihovom najužem srodstvu (uključivo do trećeg koljena i bračni drugovi) i koja su sa njima u bilo kakvom poslovnom odnosu u vrijeme trajanja Konkursa.

Svaki od učesnika, pojedinac ili grupa, ima pravo učestvovati na ovom Konkursu samo sa jednim konkursnim radom.

2. INFORMACIJE O KONKURSNOJ / TENDERSKOJ DOKUMENTACIJI

Tenderska / konkursna dokumentacija je besplatna i može se preuzeti na web strani Grad Sarajeva – www.sarajevo.ba

Zainteresirani ponuđači / kandidati mogu tražiti pojašnjenja tenderske /konkursne dokumentacije od Ugovornog organa u pisanoj formi blagovremeno, na e-mail: tarik.zecic@sarajevo.ba, najkasnije 10 dana prije isteka roka za predaju konkursnih radova.

Ugovorni organ može u svako doba izmijeniti ili dopuniti tendersku/konkursnu dokumentaciju, pod uslovom da su sve izmjene dostupne zainteresovanim dobavljačima isti dan, a najkasnije 5 (pet) dana prije datuma koji je određen kao rok za podnošenje ponuda.

Izvršena izmjena će biti sastavni dio tenderske dokumentacije i objavit će se na web strani Grada Sarajeva.

Sadržaj tenderske/konkursne dokumentacije:

Uz ovu tendersku /konkursnu dokumentaciju se dostavlja:

- Obrazac – Prijava na konkurs za Idejnog rješenja za Spomen obilježje civilnim žrtvama rata grada-kantona Sarajevo (Arhitektonsko-urbanističko-pejsažno rješenje)
- Obrazac – Izjava po čl. 45 ZJN: Dokument 2/1 i Dokument 2/2
- Obrazac – Izjava po čl. 52 ZJN: Dokument 3
- Elaborat geodetskog snimka predmetne lokacije

3. ROKOVI

- početak konkursnog roka: je dan objave konkursne dokumentacije na stranici Grada Sarajeva www.sarajevo.ba **25.01.2024.. godine.**
- rok za postavljanje pitanja (najkasnije 10 dana prije isteka roka za predaju konkursnih radova): **15.03.2024. godine.**
- rok za predaju konkursnog rada: je 60 dana, tj. **26.03.2024. godine.**

Ponude / Konkursni radovi se predaju do **26.03.2024. godine do 12:00 sati** na protokol Grada Sarajeva, Ćemaluša broj 9, 71 000 Sarajevo, sa naznakom: „Konkurs za izradu Idejnog rješenja za Spomen obilježje civilnim žrtvama rata grada - Kantona Sarajevo '92 – '95. g. (arhitektonsko-skulpturalno i krajobrazno rješenje)”

Ponude koje su dostavljene po isteku ovog roka će biti vraćene ponuđaču neotvorene. Ponuda ponuđača mora biti dostavljena do datuma i sata naznačenog u obavještenju o nabavci odnosno konkursnoj/ tenderskoj dokumentaciji i za ugovorni organ nije relevantno kada je ona poslana niti na koji način.

4. NAGRADE I OTKUPI

Konkursna komisija će pristupiti ocjenjivanju pristiglih konkursnih radova.

Odlukom Komisije dodijelit će se nagrade i to:

- I nagrada – 10.000,00 KM
- II nagrada – 6.000,00 KM
- III nagrada – 4.000,00 KM

Ukupan fond nagrada iznosi 20.000,00 KM.

Dodijeljena nagrada podrazumijeva otkup autorskog djela (Idejnog rješenja), odnosno nagrađeni radovi nakon provedenog konkursa i isplatom nagrada, postaju isključivo vlasništvo Grada Sarajeva, radi korištenja za svrhu sa kojom je konkurs raspisan, za pribavljanje urbanističke saglasnosti, izradu tehničke dokumentacije, pribavljanje odobrenja za građenje i izgradnje spomen-obilježja.

Nagrade se dodjeljuju u bruto iznosu i u njima su sadržani svi porezi i doprinosi na autorsko djelo i ostala zakonom propisana davanja .

Nagrada ujedno predstavlja i naknadu za svih autorskih prava od autora, uz mogućnost eventualne dorade, čija je vrijednost uključena u nagradu, ukoliko tijela nadležna za izdavanje urbanističke suglasnosti budu zahtijevala neke ispravke, a temeljem ugovora o autorskom djelu, koji će se naknadno dostaviti nagrađenim učesnicima na potpis.

Otkupljeni radovi postaju vlasništvo Grada Sarajeva, koji zadržava prava eventualne izmjene/dopune u toku izdavanja urbanističke saglasnosti.

Nagrade će biti dodijeljene u roku od 30 dana od dana donošenja Odluke.

Učesnici konkursa koji ne budu nagrađeni, nakon okončanja postupka provođenja konkursa odnosno od pravosnažnosti rješenja, radove mogu preuzeti lično na adresi naručioca.

Ukoliko nijedno od pristiglih rješenja, prema ocjeni konkursne komisije, ne bude zadovoljavalo zadate kriterije, konkurs će biti poništen.

5. KONKURSNA KOMISIJA

Odabir najboljeg Idejnog rješenja izvršiti će Konkursna komisija, koja će se imenovati posebnim Rješenjem.

Konkursna komisija će završiti sa radom u roku od 21 dana od dana predviđenog za predaju konkursnih radova, nakon čega će se obaviti javno otvaranje koverta „autor”.

Komisija će u toku evaluacije predloženih idejnih rješenja poštovati pravila struke iz oblasti arhitekture, urbanizma, dizajna, likovnih umjetnosti i kriterija sadržanih u konkursnoj dokumentaciji.

Konkursna komisija zadržava pravo da ne izabere niti jedno Idejno rješenje ukoliko smatra da nijedno od dostavljenih rješenja nije zadovoljilo sa stanovišta jednog ili više traženih elemenata konkursa, te u tom slučaju raspisivač konkursa nije obavezan dodijeliti nagrade.

Također, ukoliko komisija smatra da dostavljena rješenja nisu zadovoljila sa stanovišta jednog ili više traženih elemenata konkursa, zadržava pravo da ne dodijeli jednu ili dvije predviđene nagrade, bilo da se radi od prvoj i/ili drugoj i/ili trećoj nagradi.

Rješenje o odabiru i dodjeli nagrada, kandidatima će biti dostavljeno pismenim putem na dostavljene adrese.

Troškove izrade Idejnog rješenja snose Autori.

6. KRITERIJI ZA OCJENJIVANJE RADOVA

Pored usklađenosti prispjelih ponuda sa općim uslovima, konkursna komisija će pristupiti ocjenjivanju i vrednovanju na osnovu sljedećih kriterija, poredanih prema značaju:

1. Estetski kriterij: povezanost s glavnom temom konkursa, održivost rješenja, originalnost, inovativnost i umjetnička vrijednost, izvornost i kreativna posebnost, cjelovitost i dosljednost rješenja.....(0-40 bodova)
2. Prostorni kriterij: procjena kvaliteta rješenja sa aspekta organizacije prostora, uklopljenost spomeničkog rješenja u kulturno – historijsku ambijentalnu cjelinu i javni prostor u okruženju.....(0-40 bodova)
3. Pogodnost konačnog rješenja za održavanje (0-20 bodova)

7. DOSTAVA RADOVA/PONUDA, OČUVANJE ANONIMNOSTI I IDENTIFIKACIJA AUTORA

7.1. Dostava radova/ponuda

Autori svoje radove dostavljaju u neprozirnoj, zatvorenoj, bijeloj koverti (omotu) formata A3, sa identifikacionom šifrom u uglu omota, koja se upisuje u desnom gornjem uglu omota (sastoji se od tri slova i tri broja) sa naznakom:

„Izrada Idejnog rješenja za Spomen obilježje civilnim žrtvama rata grada - Kantona Sarajevo (arhitektonsko - krajobrazno rješenje)“ – ne otvaraj, na sredini.

Ova koverta (omot) sadrži dvije koverta sa istom identifikacionom šifrom i to:

KOVERTA (bijela, neprozirna i zatvorena, formata A4) sa naznakom „**AUTOR**“ na sredini te u gornjem desnom uglu identifikacijska šifra, u kojoj su sadržani slijedeći podaci:

Fizička lica:

- Prijava na konkurs (popunjen obrazac)
- Diploma arhitektonskog fakulteta ili fakulteta akademije likovnih umjetnosti, nostrifikacija diplome ako je ista stečena u inostranstvu (original ili ovjerena kopija) – **Dokument 1/1**,
- Izjavu (ovjerena od nadležnog organa) o ispunjenosti uslova iz člana 45 (popunjen obrazac), **Dokument 2/1**
- Izjavu (ovjerena od nadležnog organa) po člana 52 (popunjen obrazac), **Dokument 3**
- Izjava da je priloženi rad izvorno autorsko djelo (ovjerena od nadležnog organa), **Dokument 4**
- Izjava autora da autorska prava i prava korištenja predloženog idejnog rješenja prenosi na Grad Sarajevo, ukoliko bude među nagrađenima, **Dokument 5**

Pravna lica:

- Prijava na konkurs (popunjen obrazac),
- Izjava ovlaštene osobe da ima u radnom odnosu ili će angažovati osobu sa završenim arhitektonskim fakultetom ili osobu sa završenim fakultetom akademije likovnih umjetnosti (original ili ovjerena kopija) – **Dokument 1/2**,
- Izjava (ovjerena od nadležnog organa) da ponuđač / kandidat ispunjava uslove iz člana 45. stav 1. a) do d) ZJN (popunjen obrazac) - **Dokument 2/2**
- Izjavu (ovjerena od nadležnog organa) po člana 52 (popunjen obrazac), **Dokument 3**
- Izjava da je priloženi rad izvorno autorsko djelo (ovjerena od nadležnog organa), **Dokument 4**
- Izjava ovlaštene osobe da autorska prava i prava korištenja predloženog idejnog rješenja prenosi na Grad Sarajevo, ukoliko bude među nagrađenima, **Dokument 5**

KOVERTA (bijela, neprozirna i zatvorena, formata A4) sa naznakom „**KONKURSNI RAD**“ na sredini, te u gornjem desnom uglu identifikacijska šifra, u kojoj je sadržan konkursni rad sa svim zahtijevanim prilogima iz ovog konkursa. Svaki prilog na poleđini mora sadržavati naznačenu šifru.

Svako drugo označavanje konkursnog rada, a koje bi moglo ugroziti anonimnost autora povlači isključivanje konkursnog rada iz postupka ocjenjivanja. Odluku o tome donosi Komisija.

Ovako upakovani radovi dostavljaju se lično ili putem pošte na adresu ugovornog organa kako je navedeno u Tački 3. ove konkursne/tenderske dokumentacije.

7.2. Očuvanje anonimnosti

Idejna rješenja – konkursni radovi, sačinjeni na osnovu uslova iz konkursne dokumentacije, sadrže priloge navedene u konkursnoj dokumentaciji, sa numerisanim stranicama (u donjem desnom uglu), a radi potpune anonimnosti ne smiju biti obilježeni nikakvim drugim oznakama. Svako drugo označavanje konkursnog rada, a koje bi moglo ugroziti anonimnost autora povlači isključivanje konkursnog rada iz postupka ocjenjivanja. Odluku o tome donosi Komisija.

Učesnici u konkursu prihvataju uslove konkursa činom predaje konkursnog rada.

Nakon izvršene ocjene pristiglih „Konkursnih radova“ od strane Konkursne komisije, obaviti će se javno otvaranje koverta „Autor“ (u kojoj se nalaze zahtijevani kvalifikacioni i identifikacioni dokumenti kandidata/ponuđača). O javnom otvaranju će biti sačinjen zapisnik Komisije za javne nabavke. Nepotpuna dokumentacija (ponude) će biti od uticaja na eliminaciju ponuđača/kandidata čiji su konkursni radovi/ idejna rješenja predložena od strane Konkursne komisije, za nagradu.

Radovi koji vrijeđaju na rasnoj, vjerskoj, etničkoj, spolnoj ili rodnoj osnovi neće biti razmatrani.

9. ZAVRŠNE ODREDBE

Predajom rada autor pristaje na uslove konkursa, na javno izlaganje i publiciranje rada od strane naručioca. Učesnik je za sve vrijeme trajanja konkursa dužan držati svoj rad anonimnim do objave rezultata konkursa.

Iz ovog natječaja isključiti će se radovi:

- koji su predati poslije navedenog roka utvrđenog u tenderu
- koji ne sadrže dokumentaciju propisanu u tački 7.1. tenderske/konkursne dokumentacije, kao i podloge navedene u poglavlju o sadržaju konkursnog rada.

Ugovorni organ (Raspisivač konkursa) može, po završetku konkursa, konkursne radove prezentirati putem:

- objave rezultata
- javne izložbe
- na web stranici Grada Sarajeva

Ugovorni organ (Raspisivač konkursa) ne odgovara za oštećenja konkursnih radova nastala radom Konkursne komisije, te postavljanjem izložbe konkursnih radova.

Ovaj konkurs raspisan je u skladu sa Zakonom o javnim nabavkama Bosne i Hercegovine.

Nagrađeni radovi su sa stanovišta autorskih imovinskih prava vlasništvo Ugovornog organa (Raspisivača konkursa).

Svi sporovi koji mogu nastati iz ovog konkursa prvenstveno će se rješavati dogovorom ili arbitražom, a u slučaju da se ne riješe, nadležan je sud u Sarajevu.

10. POUKA O PRAVNOM LIJEKU

Svaki ponuđač koji ima opravdan interes za ugovor o javnoj nabavci i smatra da je ugovorni organ u toku postupka javne nabavke izvršio povrede Zakona i/ili podzakonskih akata, ima pravo da uloži žalbu na postupak u roku koji je određen u članu 101. Zakona.

Žalba se izjavljuje ugovornom organu u najmanje tri primjerka, u pisanoj formi direktno ili preporučenom poštanskom pošiljkom, u rokovima propisanim članom 101. Zakona.

O žalbi koja je poslana preporučenom poštanskom pošiljkom, nužno je ugovornom organu istu dostaviti na e-mail: pisarnicagu@sarajevo.ba kako bi ugovorni organ imao saznanje o izjavljenoj žalbi, te će se danom prijema e-maila utvrđivati blagovremenost žalbe.

Ugovorni organ je dužan u roku od pet dana od zaprimanja žalbe donijeti odgovarajuću odluku po žalbi u skladu sa članom 100. Zakona.

Ako ugovorni organ odbaci žalbu zaključkom zbog procesnih nedostataka (žalba neblagovremena, nedopuštena ili izjavljena od neovlaštenog lica) ponuđač može izjaviti žalbu KRŽ-u u roku od 10 dana, od dana prijema zaključka.

Ako ugovorni organ usvoji žalbu djelimično ili u cijelosti, te svoje rješenje ili odluku zamjeni drugim rješenjem ili odlukom ili poništi postupak nabavke, ponuđač može izjaviti žalbu KRŽ-u u roku od 10 (deset) dana, od dana prijema rješenja, posredstvom ugovornog organa.

Ako ugovorni organ utvrdi da je žalba neosnovana, dužan je u roku od 5 (pet) dana, od datuma njenog zaprimanja prosljediti žalbu KRŽ-u, sa svojim izjašnjenjem na navode žalbe, kao i kompletnom dokumentacijom vezano za postupak protiv kojeg je izjavljena žalba.

11. PRILOZI

- Obrazac: Prijava na konkurs za Idejno rješenje
- Obrazac: Dokument 2/1 i Dokument 2/2
- Obrazac: Dokument 3
- Elaborat geodetskog snimka predmetne lokacije

GRADONAČELNICA

Prof.dr. Benjamina Karić

obrazac

PRIJAVA NA KONKURS**Izrada idejnog rješenja**

**„Izrada Idejnog rješenja za Spomen obilježje civilnim žrtvama rata grada - Kantona Sarajevo '92 – '95. g.
(Arhitektonsko-urbanističko-pejsažno rješenje)“**

FIZIČKO LICE:

Ime i prezime autora: _____

Mjesto i godina rođenja: _____

Adresa: _____ telefon: _____

Broj žiro računa: _____

e-mail: _____ mobitel: _____

Ime i prezime saradnika: _____

_____***PRAVNO LICE:***

Naziv pravnog lica: _____

Adresa: _____

IDB/JIB: _____

Broj žiro računa: _____

Adresa za dostavu pošte: _____

Kontakt osoba: _____

Kontakt telefon: _____

e-mail: _____

Datum prijave: _____

Potpis autora: _____

Izjava o ispunjenosti uslova iz člana 45. stav 1. tačka a) Zakona o javnim nabavama BiH („Službeni glasnik BiH“ broj 39/14)

Ja, niže potpisani _____, sa ličnom kartom broj: _____

(Ime i prezime)

izdatom od _____, nastanjen u _____ na adresi _____,

(Grad/općina)

(Ulica i broj)

kao kandidat/ponuđač u postupku javne nabave “ **Izrada Idejnog rješenja za Spomen obilježje civilnim žrtvama rata grada - Kantona Sarajevo '92 – '95. g. (Arhitektonsko-urbanističko-pejsažno rješenje)**”, a kojeg provodi ugovorni organ Grad Sarajevo, a u skladu sa člankom 45. stav 1. i 4. pod punom materijalnom i kaznenom odgovornošću

IZJAVLJUJEM

1. Kandidat/ponuđač _____ u navedenom postupku javne nabave, kojeg predstavljam, nije:

a) Pravomoćnom sudskom presudom u kaznenom postupku osuđen za kaznena djela organizovanog kriminala, korupcije, prijevare ili pranja novca u skladu sa odnosnim propisima u BiH ili zemlji registracije,

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti, predstavlja kazneno djelo predviđeno Kaznenim zakonima u BiH te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovornu osobu ponuđača.

Također, izjavljujem da sam svjestan da ugovorni organ koji provodi navedeni postupak javne nabave u skladu sa članom 45. stav 6. Zakona o javnim nabavama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih tijela.

Izjavu dao:

(Ime i prezime)

Mjesto i datum davanja izjave: _____

Potpis i pečat **nadležnog** organa:

Izjava o ispunjenosti uslova iz člana 45. stav 1. tačaka od a) do d) Zakona o javnim nabavama BiH („Službeni glasnik BiH“, broj 39/14)

Ja, niže potpisani _____, sa ličnom kartom broj: _____
(Ime i prezime)

izdatom od _____, u svojstvu predstavnika privrednog društva ili obrta ili srodne djelatnosti
ID broj: _____

(Naziv privrednog društva ili obrta ili srodne djelatnosti),
čije sjedište se nalazi u _____ na adresi _____,
(Grad/općina) (Ulica i broj)

kao kandidat/ponuđač u postupku javne nabave „**Izrada Idejnog rješenja za Spomen obilježje civilnim žrtvama rata grada - Kantona Sarajevo '92 – '95. g. (Arhitektonsko-urbanističko-pejsažno rješenje)**“, a kojeg provodi ugovorno tijelo Grad Sarajevo, a u skladu sa člankom 45. stavcima 1. i 4.
pod punom materijalnom i kaznenom odgovornošću

IZJAVLJUJEM

1. Kandidat/ponuđač _____ u navedenom postupku javne nabave, kojeg predstavljam, nije:

- a) Pravomoćnom sudskom presudom u kaznenom postupku osuđen za kaznena djela organizovanog kriminala, korupcije, prijevare ili pranja novca u skladu sa odnosnim propisima u BiH ili zemlji registracije,
- b) Pod stečajem ili je predmetom stečajnog postupka ili je pak predmetom likvidacijskog postupka,
- c) Propustio ispuniti obaveze u vezi sa plaćanjem penzijskog i invalidskog osiguranja u skladu sa odnosnim propisima u BiH ili zemlji registracije,
- d) Propustio ispuniti obaveze u vezi sa plaćanjem direktnih i indirektnih poreza u skladu sa odnosnim propisima u BiH ili zemlji registracije.

U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokumente iz člana 45. stav 2. tačke od a) do d) na zahtjev ugovornog organa i u roku kojeg odredi ugovorni organ u skladu sa članom 72. stav 3. tačka a).

Nadalje, izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti, predstavlja kazneno djelo predviđeno Kaznenim zakonima u BiH te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također, izjavljujem da sam svjestan da ugovorni organ koji provodi navedeni postupak javne nabave u skladu sa članom 45. stav 6. Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih tijela.

Izjavu dao:

(Ime i prezime)

Mjesto i datum davanja izjave: _____

Potpis i pečat **nadležnog** organa:

PISMENA IZJAVA
IZ ČLANA 52. ZAKONA O JAVNIM NABAVKAMA

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navedi položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabavke „**Izrada Idejnog rješenja za Spomen obilježje civilnim žrtvama rata grada - Kantona Sarajevo '92 – '95. g. (Arhitektonsko-urbanističko-pejsažno rješenje)**“, (Navedi tačan naziv i vrstu postupka javne nabavke), a kojeg provodi ugovorni organ Grad Sarajevo, a u skladu sa članom 52. stav 2. Zakona o javnim nabavkama **pod punom materijalnom i kaznenom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili netko tko posreduje pri takvom podmićivanju službenog ili odgovorna lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam učestvovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ovu izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat **nadležnog** organa:

M.P.

Lokacija



